

Nari Shakti Puraskars

International Women's Day hi kumtin March Ni 8 ah hman thin a ni a, hmeichhiate'n ram hmasawna atana an hmalakna leh khawtlang tana an hnathawh that te'n hriat a hlawh theih nan Ministry of Women & Child Development chuan he ni lawmna hi a buatsaih thin a ni.

Chuvangin Ministry chuan kumtinin mimal leh pawlho emaw hnenah, hmeichhia, a bik takin dinhmun hnuaihning leh chanhaite hamthatna tur leh chawikanna tur atana an inpekna leh an thawhrimna te hriatpui an ni tih lantir nan lawman pek/sem turin a ruahman ta a ni.

2. Objectives :

2.1 Sawrkar laipui chuan kawng hrang hranga hmeichhiate hamthatna leh hmasawna tura hma lain, Nari Shakti Puraskars hman hian Sawrkar laipui hmalakna leh khawtlanga hmeichhe dinhmun chawikanna leh siamthatna kawnga a thawhna te tarlan a ni.

2.2 Nari Shakti Puraskars hian ram leh hnam dinchhuahna atana hmeichhiate pawimawhna leh tangkaina te hrethiam turin thalaite hnenah zirtirna a pe dawn a ni.

2.3 Lawmman hian lawmman dawngtute tih dan thate hlutsak a, vawng nung zel turin mimal leh pawlho ah te, hmeichhiate dinhmun chawikan leh humhalhna kawngah rah tha zawk a chhuah beisei a ni.

3. Description :

3.1 Nari Shakti Puraskars dawngtu hi kumtin February ni 20 ah puanzar thin tur niin, International Women's Day, March ni 8 ah lawmman hi hlan thin tur a ni.

3.2 Award dawngtu zat hi (mimal leh pawlho belhkhawmin) 40 aiin an tam tur a ni lova, Award hi kawng hrang hrangin then a ni a, Award hian *Certificate* leh pawisa fai *Cheng Nuai khat* a keng tel a ni.

4. Eligible Criteria for Nomination :

4.1 Award dawng tur hian mimal(individual) leh pawl (Institution), tupawh/engpawh rawt(nominate) theih an ni.

4.2 Mimalah chuan, award dawng tura rawt a nihna lehkha dawn theih ni hnunning berah kum 25 aia naupang a ni tur a ni lo.

4.3 Pawlah chuan, hmeichhiate hmasawna atan leh hamthatna lam hawia kum 5 (nga) tal lo thawk tawh an ni tur a ni.

4.4 Award dawng tura rawtte hi hetiang lampang award, tunhma lama lo dawng tawhtu an ni tur a ni lo.

4.5 Nari Shakti Puraskars hi hmeichhiate eizawna leh khawtlanga an dinhmun chawikanna tur atan te, hmeichhiate kawng hrang hranga an rilru, ngaihtuahna leh theihna te hmanga inchung khur leh khawtlang tan mai bakah ram leh hnam tana thawk thei tur a tichak a, an mamawh zualpui thawk chhuak thei turte leh thiamna leh finna sang zawk nei zel thei tura tunlai finna leh thiamna hrang hrang Science lam te, Sports lam te leh thildangah te nei thei tura kaihhruaina leh hmalakna hnathawktu mimal/thian za ho/pawl ho/tlawmngai pawl etc. hnena hlan tura ruahman a ni.

4.6 Award hi State leh Union Territory zinga CSR (Child Sex Ratio) dinhmuna hmasawn te hnenah hlan bawh tur a ni.

4.7 Award hi mitthi hmingin/hnenah hlan tur a ni lo (dawng tura rawt te, rawtna lehkha thehluh hnu-a an thi/boral anih loh chuan).

5. Nominations :

5.1 Award dawng theitu tur rawtna lo luh theihna hrang hrangte :

a) State leh Union territory sawrkar, Central leh State-a a khawihthu Ministry emaw Department emaw

b) Tlawmngai pawl hrang hrangte, Zirna in hrang hrangte, Sawrkar hnuaia Pawl hrang hrang te

c) Award Selection Committee pawhin Mimal emaw Pawlho emaw, rawt an nihna chhan fiah taka sawiin, an rawt thei a ni.

d) Mimal/Pawl ho te mahni leh mahni pawh inrawt theih a ni.

5.2 Rawtna lut hi hi Ministry of Women & Child Development ah Dilna form (Annexure 1) leh lehkha pawimawh dang, dilna form a tarlan te thil telin thehluh tur a ni.

5.3 A chung 5.1a kan tarlan tak ang khian, rawtna (nomination) thehluttu te chuan an mimal/pawlho rawt(nominate) te, an thlan chhuah chhan chiang takin an tarlang tur a ni.

6. Mode of Calling the Nominations :

6.1 Award dawng tur thlanna tur hian Ministry of Women & Child Development chuan Nitin Chanchinbu langsar deuh deuh ah te Hriattirna ram pumah a chhuah tur a ni a, Ministry hian State leh Union Territory sawrkarah te, Central Ministry leh Department hrang hrangah te hriattirna a pe bawk tur a ni.

6.2 Ministry website ah te leh Social Media hrang hrang facebook, twitter etc ah te a dilna form siamsa nen tarlan bawk tur a ni.

6.3 Hriattirna ah hian dil theih hun chhung chiang taka tarlan tur a ni a, hun tiam ral hnu-a dilna lut chu pawm a ni lovang.

7. Screening of Nominations :

7.1 Screening Committee hi Ministry of Women & Child Development-in, Award dawng tura rawtna lo lut hrang hrangte, an hnathawh that leh an hmalakna te lo endik a, Award dawngtu tur lo thlang chhuak turin a din a ni.

7.2 Screening Committee Member te chu :

(i)	Joint Secretary, Ministry of Women & Child Development	-	Chairperson, Ex-officio
(ii)	Domain Expert in the field of women issues/ Gender expert, Ministry of Women & Child Development	-	Member
(iii)	Concerned Director/ DS level Officer, Ministry of Women & Child Development	-	Member
(iv)	Director, DS level Officer, Ministry of Urban Development, Rural Development, Health, Panchayati Raj, Home Affairs, NITI Aayog	-	Member
(v)	Representative of CII and FLO (FICCI)	-	Member
(vi)	Concerned Under Secretary, Ministry of Women & Child Development	-	Member Secretary

8. Selection of Awardees by the Selection Committee :

8.1 Selection Committee hi Ministry of Women & Child Development in, Screening Committee te'n Award dawng tura thlan chhuah tlak ni-a an hriatte atanga, Award dawngtu tur tak tak lo thlang ve leh tura a ruat te an ni a.

8.2 Selection Committee Member te chu :

(i)	Hon'ble Minister for Women & Child Development	-	Chairperson, Ex officio
(ii)	Hon'ble Minister of State for Women & Child Development	-	Member, Ex officio
(iii)	Secretary, Ministry of Women & Child Development	-	Member, Ex officio
(iv)	Special or Additional Secretary, Ministry of Women & Child Development	-	Member, Ex officio
(v)	Secretary or his Nominee from Ministry of Rural Development	-	Member, Ex officio
(vi)	Five National level eminent NGOs / Individuals/ Institutions	-	Co-opted Members
(vii)	Joint Secretary (Women Awards)	-	Member, Ex officio

8.3 Selection Committee te hian Award dawng tur hian, State Government leh Central Ministry te rawt ni kher lo pawh, anmahni thu in midang an thlang thei ang.

8.4 Ministry in rawtna lo lut te hnawl theihna a nei ang.

9. Presentation of Award :

9.1 Award hi International Women's Day, March ni 8- ah New Delhi ah, a bik taka hun buatsaih ah hlanna neih thin a ni ang.

9.2 Ministry-in Award dawngtu te Delhi an lo kal thlen theihna kawng hnai berah, a tlawm thei ang ber (economy class) emaw, phal sak an nih chuan Air India leh Airline dang hmanga an lo kalna leh Delhi-a an kal velna senso te (bill leh ticket te thehluh hnuah) a tum sak ang a, heng bakah hian Delhi cham chhunga an thlenna leh riaha man senso nithum chhung (kal ni leh haw ni chhiar telin) a tum sak bawk ang.
